

სს „სამედიცინო კორპორაცია ევექსი“

ტენდერი: ვიდეოსამეთვალყურეო კამერების და მათ ფუნქციონირებასთან დაკავშირებული აპარატურის შესყიდვა

სარჩევი

1. ტენდერის მიზანი
2. შერჩევის პროცესის მიმდინარეობა
3. ტენდერით შესასყიდი საქონელის/მომსახურების სპეციფიკაციები
4. შერჩევის კრიტერიუმები და მოთხოვნები პრეტენდენტის მიმართ
5. სატენდერო წინადადება
6. პრეტენდენტის დისკვალიფიკაცია
7. კონფიდენციალურობა
8. სატენდერო წინადადების წარდგენა

სს „სამედიცინო კორპორაცია ევექსი“

ტენდერი: ვიდეოსამეთვალყურეო კამერების და მათ ფუნქციონირებასთან დაკავშირებული აპარატურის შესყიდვა

1. ტენდერის მიზანი

სს „სამედიცინო კორპორაცია ევექსი“ („შემსყიდველი“) პრეტენდენტებს სთავაზობს გამოცხადებულ ტენდერში „ვიდეოსამეთვალყურეო კამერების და მათთან დაკავშირებული აპარატურის შესყიდვა“ მონაწილეობასა და წინადადების წარმოდგენას.

წინამდებარე დოკუმენტის მიზანია, პრეტენდენტს განემარტოს შემსყიდველის მოთხოვნები და პირობები სრულყოფილი სატენდერო წინადადების წარსადგენად.

გამარჯვებულ პირთან 1-წლიანი მოქმედების ხელშეკრულებას გააფორმებს სს „სამედიცინო კორპორაცია ევექსის“ შვილობილი კომპანია შპს „ევექს ლოჯისტიკა“.

2. შერჩევის პროცესის მიმდინარეობა

შერჩევა ჩატარდება შემდეგი განრიგით:

- პრეტენდენტებმა სატენდერო წინადადება უნდა წარმოადგინონ არაუგვიანეს 2018 წლის 20 აგვისტოს 18:00 საათისა.
- შემსყიდველი განიხილავს შემოსულ სატენდერო წინადადებებს და მოახდენს პრეტენდენტ/ებ/ის, წარმოდგენილი წინადადებების შეფასებასა და გამარჯვებული კომპანიის გამოვლენას, წინასწარ განსაზღვრული შერჩევის კრიტერიუმების მიხედვით.
- საჭიროების შემთხვევაში, შერჩეულ პრეტენდენტ/ებ/თან ჩატარდება დამატებითი მოლაპარაკებები.
- საბოლოო ეტაპზე გამარჯვებულთან გაფორმდება ხელშეკრულება.
- ტენდერი განხორციელდება შემდეგ ვადებში:

ტენდერის ეტაპები	ვადა
ტენდერის გამოცხადება	09 აგვისტო 2018 წ.
სატენდერო წინადადებების მიღება	20 აგვისტო 2018 წ.
გამარჯვებული პრეტენდენტ/ებ/ის გამოვლენა	27 აგვისტო 2018 წ.
ხელშეკრულების გაფორმება	03 სექტემბერი 2018 წ.

შემსყიდველი იტოვებს უფლებას, ტენდერის მიმდინარეობის ნებისმიერ ეტაპზე შეაჩეროს, შეწყვიტოს ან/და გამოაცხადოს ახალი ტენდერი პრეტენდენტ/ებ/თან წინასწარი შეთანხმების გარეშე, საკუთარი შეხედულებისამებრ.

ტენდერის შეჩერების / შეწყვეტის შესახებ ინფორმაციის მიღება პრეტენდენტ/ებ/ს შეეძლება სატენდერო განცხადების პორტალზე.

შემსყიდველი იტოვებს უფლებას, გამარჯვებულთან ხელშეკრულების გაფორმებამდე გააფართოვოს ან შეცვალოს მოთხოვნები გასაწევ მომსახურებასთან/შესყიდვასთან დაკავშირებით, რის შესახებაც ინფორმაცია განთავსდება სატენდერო განცხადებების პორტალზე.

3. ტენდერით შესასყიდი მომსახურების / საქონლის აღწერილობა / სპეციფიკაციები

შესასყიდი საქონელი: ვიდეოსამეთვალყურეო კამერებისა და მათთან დაკავშირებული აპარატურის შესყიდვა, რომელთა ჩამონათვალი და სპეციფიკაციები მოცემულია დანართში #1 - განფასება, ხოლო ტექნიკური მოთხოვნები - დანართში #6.

პრეტენდენტის შეთავაზება უნდა ითვალისწინებდეს არანაკლებ 1-წლიან საგარანტიო პირობას აპარატურულ ნაწილზე.

სს „სამედიცინო კორპორაცია ევექსი“

ტენდერი: ვიდეოსამეთვალყურეო კამერების და მათ ფუნქციონირებასთან დაკავშირებული აპარატურის შესყიდვა

4. შერჩევის კრიტერიუმები და მოთხოვნები მომწოდებლის მიმართ

ტენდერში გამარჯვებული მომწოდებლის შერჩევა მოხდება შემსყიდველის მოთხოვნებთან შესაბამისობისა და წარმოდგენილი სატენდერო დოკუმენტაციის გათვალისწინებით.

სატენდერო წინადადების განხილვა მოხდება მხოლოდ სრულყოფილად წარმოდგენილი დოკუმენტაციის პირობებში.

სატენდერო წინადადებები შეფასდება შემდეგი კრიტერიუმების მიხედვით:

- მომსახურების/საქონლის ფასი
- მოწოდების / მომსახურების ვადები
- საგარანტიო პირობა
- კომპანიის გამოცდილება / სანდოობა
- საკვალიფიკაციო მონაცემების სრულყოფილება

ტენდერში მონაწილეობა შეუძლიათ საქართველოში რეგისტრირებულ იმ იურიდიულ პირებს, რომელთა წლიურმა ბრუნვამ ბოლო დასრულებული საგადასახადო წლის მანძილზე შეადგინა არანაკლებ 500,000 ლარი. შემოთავაზებული ბრენდის გამოცდილება მსოფლიო ბაზარზე მინიმუმ 5 წელი და საქართველოს ბაზარზე 3 წელი.

5. სატენდერო წინადადება

(ა) სატენდერო წინადადება უნდა მოიცავდეს შემდეგ დოკუმენტაციას/ინფორმაციას:

1. პრეტენდენტი იურიდიული პირის ამონაწერი სამეწარმეო რეესტრიდან;
2. ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ;
3. ცნობა, რომ არ მიმდინარეობს პრეტენდენტის მიმართ რეორგანიზაცია-ლიკვიდაცია და/ან გადახდისუუნარობის საქმის წარმოება;
4. ბოლო 1 დასრულებული ფინანსური წლის ბალანსი და მოგება-ზარალის უწყისი;
5. ქვეკონტრაქტორების ჩამონათვალი (ასეთის არსებობის შემთხვევაში);
6. კომპანიის კორპორატიული კლიენტების ჩამონათვალი;
7. მინიმუმ ორი სარეკომენდაციო წერილი;
8. „ინფორმაცია პრეტენდენტის შესახებ“, შევსებული დანართი #2-ში მითითებული სახით;
9. კონფიდენციალურობაზე შეთანხმების პრეტენდენტის მხრიდან შევსებული და ხელმოწერილი ვერსია (შეთანხმება თან ერთვის დანართი #3-ს სახით);
10. პრეტენდენტის მიერ ხელმოწერილი აფიდავიტი - აფიდავიტი მოცემულია დანართი დანართი #4-ს სახით;
11. შევსებული და ხელმოწერილი განფასება/ფასთა ცხრილი (დოლარში, დღგ-სა და ტრანსპორტირების ხარჯის ჩათვლით) - მოცემული და დადგენილი დანართი #1-ს სახით; ასევე ელექტრონული ფაილი ექსელის ფორმატში;
12. ინფორმაცია ტენდერით გათვალისწინებული მომსახურების გაწევაზე (დეტალები, აღწერილობა, გამოცდილება, სხვა არსებითი გარემოებები).

პრეტენდენტის მიერ მომზადებული ყველა დოკუმენტი უნდა იყოს ხელმოწერილი პრეტენდენტის უფლებამოსილი პირის მიერ და დამოწმებული ბეჭდით (ასეთის არსებობის შემთხვევაში).

დოკუმენტაციის მომზადების თარიღი წინ არ უნდა უსწრებდეს სატენდერო დოკუმენტების წარდგენის თარიღს 5 კალენდარულ დღეზე მეტი ვადით.

სს „სამედიცინო კორპორაცია ევექსი“

ტენდერი: ვიდეოსამეთვალყურეო კამერების და მათ ფუნქციონირებასთან დაკავშირებული აპარატურის შესყიდვა

პრეტენდენტი სატენდერო წინადადების წარმოდგენით ადასტურებს, რომ (ა) იგი გაეცნო დანართი #5-ს სახით წარმოდგენილ შესყიდვის ხელშეკრულების ნიმუშს, რომლის გაფორმებაც მოხდება გამარჯვებულ პრეტენდენტთან და თანახმაა აღნიშნული რედაქციის გაფორმებაზე და (ბ) მისთვის ცნობილია, რომ ხელშეკრულების მოქმედების პერიოდში არ აქვს უფლება, გაზარდოს სახელშეკრულებო ფას/ებ/ი ან სხვაგვარად გააუარესოს შემსყიდველის მდგომარეობა.

(ბ) დამატებითი მოთხოვნები (ასეთის არსებობისას):

1. იმ შემთხვევაში, თუ შესყიდვის პროცესში ადგილი ექნება საავანსო გადახდის მოთხოვნას, გამარჯვებულ პრეტენდენტთან ხელშეკრულების გაფორმებისათვის შემსყიდველი უფლებამოსილია მოითხოვოს ავანსის უზრუნველსაყოფი საბანკო გარანტიის წარმოდგენა, გაცემული ამ უკანასკნელისათვის მისაღები ფინანსური ინსტიტუტის მიერ.
2. შემსყიდველმა შესაძლოა მოითხოვოს ხელშეკრულების შესრულების უზრუნველსაყოფი საბანკო გარანტიის წარმოდგენა (სახელშეკრულების თანხის არანაკლებ 10%-ზე), ხელშეკრულების ხელმოწერამდე.

6. პრეტენდენტის დისკვალიფიკაცია

შემსყიდველი უფლებამოსილია მოახდინოს პრეტენდენტის დისკვალიფიკაცია თუ:

1. პრეტენდენტი ირიცხება მოვალეთა რეესტრში;
2. პრეტენდენტის ქონებაზე რეგისტრირებულია საგადასახადო ან სხვაგვარი გირავნობა/იპოთეკა/შეზღუდვა;
3. მიმდინარეობს პრეტენდენტის რეორგანიზაცია, ლიკვიდაცია ან გადახდისუნარიობის საქმის წარმოება;
4. სატენდერო განაცხადით მოთხოვნილი დოკუმენტაცია/ინფორმაცია:
 - სრულად არ იქნება წარმოდგენილი;
 - არ შეესაბამება დადგენილ მოთხოვნებს;
 - არ შეესაბამება სინამდვილეს;
 - ყალბია.
5. არსებობს სხვა ობიექტური გარემოება, რომელიც შეუძლებელს ხდის პრეტენდენტის შემდგომ მონაწილეობას ტენდერში.

7. კონფიდენციალურობა

პრეტენდენტი პასუხისმგებელია შემსყიდველის მიერ მიწოდებული ინფორმაციის კონფიდენციალურობაზე, როგორც შერჩევის პროცესის მსვლელობის, ასევე, მისი დასრულების შემდეგაც, მიუხედავად ტენდერის შედეგებისა.

8. სატენდერო წინადადების წარდგენა

სატენდერო წინადადებების წარდგენა უნდა მოხდეს ელექტრონულად, www.tenders.ge-ზე, დახურული კონვერტის პრინციპით.

პრეტენდენტებმა სატენდერო წინადადებები უნდა წარმოადგინონ არაუგვიანეს 2018 წლის 20 აგვისტოს 18:00 საათისა.

შერჩევის პროცესის მსვლელობისას პრეტენდენტებს უფლება აქვთ მოითხოვონ მათთვის საჭირო ინფორმაცია. დამატებითი ინფორმაციის მოთხოვნის ან კითხვების არსებობის შემთხვევაში, გთხოვთ, მოგვწეროთ ელექტრონული ფოსტის მისამართზე: Evex_Purchasing@evex.ge.